

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI

KIKAO CHA PILI

31 JANUARI, 2018



ORODHA YA SHUGHULI ZA LEO

MKUTANO WA KUMI

KIKAO CHA PILI – TAREHE 31 JANUARI, 2018

I. DUA:

II. HATI ZA KUWASILISHA MEZANI:

WAZIRI MKUU:

Maelezo ya Waziri Mkuu kuhusu Muswada wa Sheria ya Mfuko wa Hifadhi ya Jamii kwa Watumishi wa Umma wa Mwaka 2017 [*The Public Service Social Security Fund Bill, 2017*].

MWENYEKITI WA KAMATI YA HUDUMA NA MAENDELEO YA JAMII:

Maoni ya Kamati ya Bunge ya Huduma na Maendeleo ya Jamii kuhusu Muswada wa Sheria ya Mfuko wa Hifadhi ya Jamii kwa Watumishi wa Umma wa Mwaka 2017 [*The Public Service Social Security Fund Bill, 2017*].

MSEMAJI MKUU WA KAMBI RASMI YA UPINZANI KUHUSU OFISI YA WAZIRI MKUU:

Maoni ya Msemaji Mkuu wa Kambi Rasmi ya Upinzani kuhusu Ofisi ya Waziri Mkuu juu ya Muswada wa Sheria ya Mfuko wa Hifadhi ya Jamii kwa Watumishi wa Umma wa Mwaka 2017 [*The Public Service Social Security Fund Bill, 2017*].

III. MASWALI:

OFISI YA RAIS (TAMISEMI):

16. MHESHIMIWA SILVESTRY FRANCIS KOKA (KIBAHA MJINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Mji wa Kibaha ni Makao Makuu ya Mkoa wa Pwani na yapo maombi yaliyokwishapelekwa Serikalini kuomba Mji huo upewe hadhi ya kuwa Manispaa lakini hakuna majibu kwa ombi hilo hadi sasa:-

Je, ni kwa nini mpaka sasa Serikali haijaupa hadhi Mji huo kuwa Manispaa.

**17. MHESHIMIWA SHALLY JOSEPHA RAYMOND
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Halmashauri zina wataalam wa kusimamia na kutekeleza mipango yao na zina uwezo Kisheria kupanga na kutekeleza mipango ya maendeleo, elimu, afya, maji, kilimo na ardhi pasipo kuingiliwa. Viongozi na Watendaji wa Serikali ngazi za Mkoa na Wilaya huambiwa watawajibishwa pale Halmashauri zao zitakaposhindwa kufikia malengo mathalani, katika ujenzi wa maabara, madarasa na kutengeneza madawati:-

Je, mipaka ipi ni ya kinadharia (*theoretical*) na ipi inatekelezeka (*practical*) kiutendaji na uwajibikaji kati ya Viongozi wa Serikali Kuu na Halmashauri za Majiji, Miji na Wilaya.



**18. MHESHIMIWA KASUKU SAMSON BILAGO
(BUYUNGU):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Walimu wa Elimu Maalum wanapohitimu kwenye Vyuo vya Patandi na Sekomu hawapelekwi kwenye shule za Vitengo vya Elimu Maalum:-

- (a) Je, Serikali haioni kama inapoteza rasilimali fedha na watu kwa kutoa elimu isiyo na tija kwa Walimu hao;

(b) Je, ni lini Serikali itawapanga Walimu wenye Elimu Maalum kwenye shule na Vitengo vyenye mahitaji hayo.

19. MHESHIMIWA DESDERIUS JOHN MIPATA (NKASI KUSINI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wananchi wa Kata ya Nkandasi wamejitahidi kujenga Shule ya Sekondari ya Kata ya “Milundikwa” hadi kufikia kidato cha sita lakini Serikali kupitia Wizara ya Ulinzi na Jeshi la Kujenga Taifa imeamuru shule hiyo kuhamishwa mara moja kuanzia tarehe 1 Januari, 2017 kuachia Jeshi:-

(a) Wananchi walitumia muda na rasilimali zao kukamilisha ujenzi huo na sasa wanakwenda kuanza upya; Je, ni upi mchango wa Wizara kwa ujenzi mpya wa shule;

(b) Wizara ya Elimu imeafiki kuhamisha shule hiyo ya Kata; Je, ni upi mchango wa Wizara katika uhamishaji wa shule hiyo;

(c) Je, Serikali iko tayari kufanya uthamini wa Miundombinu yote ya shule na majengo, yaliyojengwa na Wananchi na thamani hiyo kuitoa katika fedha taslimu kwa ujenzi wa shule mpya.

OFISI YA RAIS (UTUMISHI NA UTAWALA BORA):

20. MHESHIMIWA MAGDALENA HAMIS SAKAYA (KALIUA):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):-

Je, ni lini Serikali itapeleka mradi wa TASAF Awamu ya III katika Vijiji ambavyo havijapata mradi katika Jimbo la Kaliua.

WIZARA YA VIWANDA, BIASHARA NA UWEKEZAJI:

21. MHESHIMIWA DKT. SHUKURU JUMANNE KAWAMBWA (BAGAMOYO):

Atamuuliza Mheshimiwa Waziri wa Viwanda, Biashara na Uwekezaji:- Wananchi wapatao 1,025 wa Vijiji vya Kiromo, Zinga, Pande, Mlingotini na Kondo walifanyiwa uthamini wa mali zao tangu Mwaka 2008 ili kupisha mradi wa EPZA Bagamoyo lakini hadi sasa hawajalipwa fidia:-

Je, ni lini Serikali itawalipa Wananchi hao fidia stahiki.

WIZARA YA ELIMU, SAYANSI NA TEKNOLOJIA:

22. MHESHIMIWA COSATO DAVID CHUMI (MAFINGA MJINI):

Atamuuliza Mheshimiwa Waziri wa Elimu, Sayansi na Teknolojia:- Kumekuwepo na matangazo mengi ya Watu waliopoteza vyeti vya kitaaluma hasa vinavyotolewa na Baraza la Mitihani:-

- (a) Je, ni utaratibu gani unaotumika pale mtu anapopoteza cheti ili aweze kupata cheti kingine;
- (b) Je, anapata cheti halisi au nakala ya cheti;
- (c) Baadhi ya Wananchi wanalalamika kuwa kumekuwa na ucheleweshaji mkubwa kwa Baraza la Mitihani wanapoombwa kuwasilisha cheti katika mamlaka fulani ambayo mtu ameomba kazi au nafasi ya masomo na hivyo kusababisha waombaji wengi kukosa nafasi kutokana na ucheleweshaji huo; Je, ni taratibu gani mtu anatakiwa kuzifuata ili ombi lake lifanyiwe kazi ipasavyo na kwa wakati.

WIZARA YA NISHATI:

23. MHESHIMIWA PROF. JUMANNE ABDALLAH MAGHEMBE (MWANGA):

Atamuuliza Mheshimiwa Waziri wa Nishati:- Miradi ya REA I na II katika Wilaya ya Mwanga haikukamilika na fedha zilizokuwa zimepangwa hazikutumika:-

- (a) Je, Serikali ina mpango gani wa kuwapatia umeme Wananchi waliopitiwa na umeme huo bila kufungiwa;
- (b) Je, Awamu ya III ya REA iliyozinduliwa Mwanga Mwezi Septemba, 2017 itaanza kutekelezwa lini.

WIZARA YA MADINI:

24. MHESHIMIWA SUSANNE PETER MASELE (VITI MAALUM):

Atamuuliza Mheshimiwa Waziri wa Madini:-

Je, ni lini Serikali itatekeleza kauli za Mheshimiwa Rais kuhusu kuwapa wachimbaji wadogowadogo kipaumbele cha leseni na vibali vya kuchimba madini kwa kuonyesha mfano kwa wachimbaji wadogowadogo wa machimbo ya Dhahabu ya Ishokelahela, Misungwi.

WIZARA YA ARDHI, NYUMBA NA MAENDELEO YA MAKAZI:

25. MHESHIMIWA EMMANUEL ADAMSON MWAKASAKA (TABORA MJINI):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Kumekuwa na migogoro mingi ya ardhi nchini inayosababisha uvunjifu wa amani miongoni mwa Wananchi na hata katika baadhi ya maeneo migogoro hiyo imesababisha vifo:-

- (a) Je, Serikali imechukua hatua gani kutatua migogoro hiyo;
- (b) Kwa kuwa Maafisa Ardhi wengi ndio chanzo cha migogoro hiyo. Je, ni Maafisa Ardhi wangapi wamechukuliwa hatua kwa kusababisha migogoro hiyo.

WIZARA YA MAMBO YA NJE NA USHIRIKIANO WA AFRIKA MASHARIKI:

26. MHESHIMIWA MACHANO OTHMAN SAID (BLW):

Atamuuliza Mheshimiwa Waziri wa Mambo ya Nje na Ushirikiano wa Afrika Mashariki:- Kwa muda mrefu Tanzania imekuwa na uhusiano mzuri

kiuchumi, kiafya na kisiasa na Jamhuri ya Watu wa Cuba, lakini haina Ubalozi katika nchi hiyo:-

- (a) Je, ni lini Tanzania itafungua Ubalozi wake nchini Cuba hasa ikizingatiwa kuwa Cuba tayari wana Ubalozi nchini muda mrefu;
- (b) Je, Serikali inajua kwamba kutokana na Tanzania kutofungua Ubalozi nchini Cuba, imesababisha sanamu la Baba wa Taifa Mwalimu Julius Nyerere kutowekwa katika uwanja wa Viongozi muhimu wa Afrika katika Jiji la Havana.

WIZARA YA MAMBO YA NDANI YA NCHI:

27. MHESHIMIWA NAGHENJWA LIVINGSTONE KABOYOKA (SAME MASHARIKI):

Atamuuliza Mheshimiwa Waziri wa Mambo ya Ndani ya Nchi:- Jimbo la Same Mashariki lina Kata 14 lakini lina Kituo kimoja cha Polisi kilichopo Kata ya Maore na Vituo vidogo vilivyopo Kata ya Ndungu na Kihurio; Vituo vyote hivyo vipo katika Tarafa moja yenye Kata 5; Kata nyingine 9 ambazo zipo katika Tarafa mbili zilizoko milimani na zipo mbali sana na Vituo hivyo vya Polisi zinapata shida sana kutoa ripoti za uhalifu. Kwa kuwa Wananchi wa Tarafa hizo mbili za milimani

tayari wametenga maeneo ya kuweka Vituo vya Polisi:-

(a) Je, Serikali ipo tayari kuanzisha Vituo vya Polisi katika Tarafa ya Mamba/Vunta na Tarafa ya Gonja;

(b) Kama Serikali ipo tayari kuanzisha Vituo hivyo vya Polisi; Je, ni lini Polisi hao wataanza kazi.

28. MHESHIMIWA FAKHARIA SHOMAR KHAMIS (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Tatizo la kupotea kwa Watoto katika Jiji la Dar es Salaam limekuwa kubwa. Aidha, taarifa za kupotea kwa Watoto hao zimekuwa zikitolewa kwenye vyombo vya habari:-

(a) Je, ni sababu zipi zinazochangia kuongezeka kwa tatizo hilo siku hadi siku;

(b) Je, kwa nini taarifa za upatikanaji wa Watoto hao hazitolewi kwenye vyombo vya habari;

(c) Je, Serikali ina mkakati gani wa kuondoa tatizo hilo.

WIZARA YA UJENZI, UCHUKUZI NA MAWASILIANO:

29. MHESHIMIWA JAKU HASHIM AYOUB (BLW)

Atamuuliza Mheshimiwa Waziri wa Ujenzi, Uchukuzi na Mawasiliano:- Utaratibu wa kuingiza mafuta nchini unasimamiwa na *Petroleum Bulk Procurement Agent (PBPA)* kwa mfumo wa *Bulk Procurement System*, ambapo wakala hukusanya mahitaji kutoka Kampuni za ndani na nje ya nchi lakini Kampuni zote zikiwemo zile zinazopeleka mafuta nje ya nchi zinalipa Dola za Kimarekani 3 hadi 4 kwa tani kwa mafuta yanayopitia *Transit* ya Dar es Salaam isipokuwa mafuta yanayopelekwa Zanzibar ambayo hutozwa Dola za Kimarekani 10 kwa tani:-


- (a) Je, ni utaratibu gani unaotumika kutoa nafuu ya malipo ya *Wharfage* kwa Kampuni za nje zinazopitisha mafuta Dar es Salaam na kuitoza Zanzibar malipo makubwa;
- (b) Mafuta yanayopitishwa *Transit* ya Dar es Salaam kwenda Zanzibar yanalipiwa aina zote za ushuru; Je, Serikali haioni kuwa inawabebesha Wananchi gharama kubwa ya ununuzi wa mafuta kuliko nchi nyingine;
- (c) Je, ni hatua gani Serikali inachukua katika kuhakikisha mafuta yanayopita *Transit* ya Dar

es Salaam yanalipiwa kama mafuta mengine yanayopita *Transit* ya Bandari hiyo.

VI. MISWADA YA SHERIA YA SERIKALI:

(Kusomwa Mara ya Pili, Kamati ya Bunge Zima na Kusomwa Mara ya Tatu)

Muswada wa Sheria ya Mfuko wa Hifadhi ya Jamii kwa Watumishi wa Umma wa Mwaka 2017 [*The Public Service Social Security Fund Bill, 2017*].



**DODOMA
31 JANUARI, 2018**

**S.N. KAGAIGAI
KATIBU WA BUNGE**